



kat.komp

391871

Mag. St. Dr.




2321 [III. S. 7]



391871

Mag. St. Dr. III

847



M
te
&

S

S

—

EXPOSITIO BREVIS
GRAVAMINUM

Quæ

Mercatores & alii Regni Prussiæ Incolæ, in materiâ Commerciorum cum Regnô Poloniarum habent, & quorum abolitionem atque remedia ex humillimis præfatorum Mercatorum ac Incolarum querelis, propositionibus atq; supplicationibus,

SACRA REGIA MAJESTAS PRUSSIÆ,

CIRCA INSTANTEM UNIVERSALIUM
REGNI COMITIORUM REASSUMPTIONEM,

SACRÆ REGIÆ MAJESTATI

ET

**SERENISSIMÆ REIPUBLICÆ
POLONIARUM,**

*Amicissimè non minus, quam instantissimè
commendat.*

ANNO MDCCXIX.

§. I.



Nunus ferè est, ex quò Jus certum & indubitatum, quò *Sacra Regia Majestas Prussiae*, Teloneorum per Majorem Poloniam, Lithuaniam, & Prussiam Occidentalem, versus Regnum Prussiae, noviter hucusque aut introductorum aut auctorum, plenariam vigore pactorum abrogationem, Jure optimò Maximò postulat, succinctâ delineatione expositum fuit.

Instabant tunc temporis Grodnæ, Universalia Regni Poloniarum Comitia: in quibus Justissimam hanc *Sacrae Regiae Majestatis Prussiae*, circa Manutentionem Pactorum Publicorum intentionem, per realem eamque perpetuam Teloneorum ejusmodi abrogationem, à *Sacrâ Regiâ Majestate*, & *Serenissimâ Republicâ Poloniarum*, in stabilimentum tantò firmitus optimæ, quæ hætenus inter *Utriusque Regiam Majestatem*, *Utriusque item Regna & Provincias* vixit amicitiae, ex votò, cum summò utrinque, Commerciorum incrementò, promotum iri, certò certius sperabatur;

Nec irrita fuisset spes ea, si inchoata initiò Octobris a.p. Grodnensia Comitia plenè & perfectè finiri contigisset, neque interveniens magni momenti impedimentum suspensionem & limitationem eorum, quoad impedimentum tolleretur, ut postea Comitia ista, à quibus Salus Regni Poloniarum pendet, eò commodius reassumi, tantoque felicius concludi possint, necessitate quasi inevitabili postulasset.



Æquis-

391871

Æquissimè hoc agnovit *Sacra Regia Majestas Prusiae*, ac ex singulari, quam erga *Sacram Regiam Majestatem & Serenissimam Rempublicam Poloniarum*, constanter fovet, propensione, totò hòc limitationis Comitiorum interstitiò, iterata justissimorum de abrogandis noviter introductis vel auctis teloneis postulatorum repetitione gravis *Eis* esse, noluit, sed tempus reassumendorum Comitiorum, quamvis non cum levi, ut *Commerciorum* incommodò, sic subditorum, mercatorum præcipue jacturâ & damnò, toleranter hucusque expectavit. Cum itaque reassumptio ista in instanti esse dicatur, *Sacra Regia Majestas Prusiae* diutius sibi deesse, & Jus, quod vigore Pactorum competit, negligere, nec potuit, nec debuit, sed urgentissimè hætenus per tot annos efflagitatam novorum Teloneorum eorumque augmentorum plenariam abolitionem, ut in proximè reassumendis Universalibus Regni Poloniarum Comitibus, ex præscriptò Pactorum Publicorum, executioni tandem mandetur, non minus peramicè, quam instantissimè, ad præfatam desuper delineationem brevibus se referendo, *Sacrae Regiae Majestati & Serenissimæ Reipublicæ Poloniarum*, iterum iterumq; commendat.

§. II.

Ne verò quicquam in posterum ullò modò & tempore commovere, nedum alterare possit, sinceram & infucatam *Sacrae Regiae Majestatis Prusiae*, cum *Sacra Regiâ Majestate, & Serenissimâ Republicâ Poloniarum* amicitiam, quam *Sacra Regia Majestas Prusiae*, æternam esse, & inconcussam ad Posterum in infinitum transmitti, ut ex totò corde desiderat, sic quan-

quantum in Ipsâ est, religiosissimè & indefessè al-
laborabit : summe necessarium duxit, ea quoque
Gravamina succinctè exponere, quæ ad Ipsam, à
Mercatoribus Regiomontanis, aliisq; Regni Prus-
siæ Incolis, nuper tantum delata fuerunt, ut tantò
evidentius cognoscat *Sacra Regia Majestas, & Serenis-
sima Respublica Poloniarum*, quàm inique hætenus
cum Regnò Prussiæ, contra apertum Pactorum
tenorem actum sit, & quantum exindè detrimen-
ti, tam Commercia Regni Prussiæ, quàm Telo-
neorum *Sacræ Regiæ Majestatis Prussiæ* Regalia, per
tot jam annos passa fuerint, idque ex solâ quorun-
dam interessatorum privatâ Contraventione, ci-
tra omnem *Sacræ Regiæ Majestatis & Serenissimæ Rei-
publicæ Poloniarum* approbationem & culpam; unde
tantò magis *Sacram Regiam Majestatem Prussiæ*, spes
certissima & indubitata fovet, Gravamina hæc
omnia & singula, eò citius & plenius, in instanti
Universalium Regni Poloniarum Comitiorum reas-
sumptione & abolitione & ne quisquam in posterum,
ut hætenus proh dolor, idque ut plurimum pro-
pter merum Interesse privatum, sæpissimè fieri
contigit, Pacta Publica ex quocunque prætextu
infringere, aut sub gravissimâ Contravenientium
pœnâ, temerare audeat, in sanctiorem Communis
Utrinq; amicitiae, & perfectissimæ intelligentiæ
observantiam, firmissimè atque in perpetuum de-
cretum iri.

§. III.

Sex nimirum ponderosissima Gravamina *Sacræ
Regiæ Majestati Prussiæ*, Regni Ejus Mercatores &
Incolæ, supplicibus libellis humillimè exposuerunt;
inter quæ primum, noviter introducta vel aucta
Te-

Telonea concernit; quorum plenaria abrogatio, Grav. I.
cum superius jam, ad instantem Universalium Re-
gni Comitiorum reassumptionem, *Sacræ Regiæ Ma-*
jestati & Serenissimæ Reipublicæ Poloniarum commen-
data fuerit, eò per generalia super hòc primò gra-
vamine, (repetendo, quæ desuper in succinctâ an-
ni præteriti delineatione continentur) denuò se
referre, & necessarium & satis erit.

§. IV.

Ipsum quoque Gravamen secundum de Te- Grav. II.
loneis est, & modum afficit, quò ubivis locorum,
per Regnum Poloniarum, Theloneorum Præfecti,
Arendatores, Scribæ, & Visitatores, eorumque
Assectæ, in Cameris teloneariis, à Mercatoribus &
Incolis Regni Prussix vectigalia his temporibus
exigunt, eos non tantum, ut ibi per aliquot dies,
imò per integras septimanas & ultra, citra omnem
Causam & necessitatem commorentur, sub præ-
textu absentix officialium, & aliis ejusmodi affe-
ctatis excusationibus, cum irreparabili temporis,
opportunæ negotiationis, & sumptuum Jacturâ,
multum interim decrescente mercium haud rarò
æstimatione, ac, (in summum, cum eò casu minora,
ad Majorum exonerationem, non sine gravibus
expensis conducere oporteat navigia ipsius navi-
gationis incommodum) aquâ & defluatione, ini-
quissimè cogendo, sed ab iis etiam, præter jam ex-
soluta vectigalia, pro desuper obtinendis, & carissi-
mò pretiò redimendis necessariis Apochis atque
Quietantiis (*Quitowe* Polonicò idiomate di-
ctis) diversi generis Xenia, Donaria, ac injustissi-
mas superexactiones, quæ summam ipsorum vecti-
galium

Vid. Corpus A-
stor. Publ. Prus-
siae, fol. 10. fac. 1.
fol. 11. fac. 1.
fol. 24. fac. 2. &
fol. 35. fac. 2. in
fine.

galium ut plurimum transcendunt, contra Jus & fas (cum circa solutionem antiquorum Teloneorum, omnia Gravamina atque impedimenta, & quaecunque censurationes, exactiones ac Angariae Mercatorum Prussiae, in Pactis Pacis perpetuae, inter alia de anno 1436. 1466., & 1529. expressè prohibeantur) per vim quasi extorquendo, ac si in durissimam Mercatorum & negotia exercentium Regni Prussiae Incolarum oppressionem, ac intersceninam eorum ruinam, Telonearii Regni Poloniarum, eorumque Officiales ferè non omnes amice conspirassent, & ne quisquam Mercatorum, aut cuicunque negotiationi addictorum Regni Prussiae Incolarum, aliquid per Regnum Poloniae lucri habere possit, sed cum apertissimo rerum suarum damno eò semper veniat, legem velut saevissimam promiscuè sibi statuissent; nullò aliò fine, quam ut omnia tandem Regni Prussiae, cum Regno Poloniarum Commercia in totum cessent & omnimodè intercidant.

§. V.

Grav. III.

Eos porrò Gravamen tertium tangit, à quibus hactenus Wilnae, Caunae, ac in diversis aliis Regni Poloniarum, atque eò pertinentium Dominiorum Civitatibus, summò ubique conamine id actum fuit, ut Regiomontanis & cœteris Regni Prussiae Mercatoribus aut Incolis, merces suas peculiaribus, eò fine conductis ædibus, granariis, tectis aut cameris inferre, venum in illis exponere, & ibi degentibus aliis Mercatoribus divendere, conclavia item mercantilia, rationaria & diribitoria (quæ vulgò gallicò vocabulò *Centoirs* appellan-

lantur) inque illis Institores & Calculatores suos (quos *Kauff-Diener* / *Contoir-Knechte* und *Buchhalter* nostrates Mercatores vocare solent) liberè de annò in annum, ut olim Juris, morisque fuit, omni tempore habere, ac à Magnatibus & Nobilibus Regni Poloniarum, merces quascunque immediata coëmere quovis modò inhiberetur.

§. VI.

Contradicunt verò ejusmodi ausibus evidentissimè Pacta Publica; sic enim eâ de re (ut ex genuinis, per Acta Publica definitis Principiis, rem ab origine repetendo, negotium hoc eruatur & deducatur) prima, quæ exstant, inter Poloniæ Regem Vladislaum Jagellonis, Magnum item Ducem Lithuanix Sigismundum, & Magistrum Prusix Generalem, Paulum de Rusdorff, in Brzescie Cujavix annò 1436., Sabbathò in vigilia Circumcisionis Domini, in violabiliter inita Pacta Perpetua, expressè statuunt:

Item liber sit transitus, & via omnibus Mercatoribus ac Incolis Terrarum & Dominiorum Ordinis, cum suis mercantiis, frumentis, cujuscunque grani, & rebus quibuscunque & cujuscunque conditionis, vel materiei existant, sine impedimentò vel Angariâ, per terras & maria, aquas & flumina, quocunque ascendendo, in & ad Regnum Poloniæ, Terras Lithuanix, Samogitarum, Masovix & Russix, & descendendo per ipsum Regnum atque Terras prædictas, ac per ipsa flumina seu aquas usque ad maria & trans mare in navibus parvis sive magnis, vacuis sive oneratis, in perpetuum quomodocunque voluerint, absque aliquò arrestò vel impedimentò cujuscunque, & specialiter oppidanorum in Thorun; Quas quidem merces, frumenta & res, ut præscriptum est, si præfati Mercatores, vel Incolæ Ordinis ducentes, vendere, aut stare in aliquò locorum seu Civitatum, ad portum sive ripam prædictam aquarum sive maris situatorum seu situatarum voluerint, est & debet esse in ipsorum voluntate.

Vid. Corp. Act. Publ. Prusix fol. II. fac. I.

Si verò vendere noluerint, possunt absque omni impedimentò ire seu ascendere vel descendere, quo eis placuerit, cum rebus prædictis ut superius est expressum.

§. VII.

Longè clarius adhuc Jus istud Mercatorum & Incolarum Prussiæ, libere in Regno Poloniarum, inque Civitatibus & locis eò pertinentibus, Commercium quæcunque exercendi, Privilegium Terrarum Prussiæ, Incolis earum anno 1454. feriâ quartâ cinerum, à D. Casimiro Poloniæ Rege concessum definivit & determinavit sequentibus, luce meridianâ clarioribus verbis;

Vid. Corpus Actor: Publ. Prussiz, fol 16. fac. 1. circa finem.

Item Mercatoribus Terrarum prædictarum Prussiæ, in Regnum, Ducatus & Dominia nostra venientibus, hanc libertatem & prærogativam, *de cæterò volumus conservari, ut quoties illos in quæcunque loca, Civitates & Oppida Regni & Dominiorum Nostrorum venire cum mercibus eorum, cujuscunque speciei vel materiæ existant, contigerit, licitum erit eis hujusmodi merces, NB. in loca, testudines, Cameras & tecta, quorum illis libera præstari debet arendatio, deponere, & pro suò arbitriò NB. exponere in venalitate, per vias stratasque omnes, versus Ungariam, Russiam, Moraviam, Wallachiam; depositis tamen teloneis & stratis antiquis Civitatum Regni & Dominiorum Nostrorum semper salvis.*

§. VIII.

Neque verò hæc Mercatorum & Incolarum Prussiæ, in terris & Civitatibus Regni Poloniarum negotiandi libertas & securitas, per Pacta sequentium annorum & seculorum, vel aliquo modo imminuta & restricta, vel tantò minus intotum abrogata, sed denuò potius confirmata fuit, non tantum in conditionibus Pacis perpetuæ, inter Poloniæ Regem Casimirum, & Generalem Or-

Ordinis Teutonici Magistrum, Ludovicum ab Erlichausen, die solis 19. Octobris, anno 1466. in Thorun., & à Rege Poloniæ Sigismundo Primô, cum Prussiæ Duce Alberto, Marchione Brandenburgensi, anno 1525., Sabbatho in vigilia Palmarum, Cracoviæ confectæ & conclusæ, verbis generalibus:

Quod omnes Mercatores, tam Regni Poloniarum ac Episcopatus Capitulique Varmienfis, quam Terrarum Prussiæ in ditione Magistri & Ordinis consistentes, ubique in Terris & in aquis, tuti & securi esse, nec ullæ illis molestiæ inferri, sed ipsi & omnes Incolæ Terrarum Prussiæ, utrinque reciproca vicissitudine, in terrâ & mari, sine impedimentô negotiationes exercere debeant:

Vid. Corpus A&. Publ. Prussiæ, fol. 24. fac. 2. ab initio, & fol. 35. fac. 1. circa finem.

verum etiam in specie, per renovationem Pacis Perpetuæ, Ejusdem Regis Sigismundi I., Ejusque Filii, Principis tum temporis & Magni Lithuanix Ducis, post Poloniarum quoque Regis Sigismundi Augusti, cum supra laudato Marchione Brandenburgensi, Alberto Duce Prussiæ, Wilnæ anno 1529., die 21. Junii initum & per novissima, anno 1657. die 19. Septembris We-laviæ confecta, Brombergæ verò sive Bûdgo-ftiæ, eodem anno 1657. die 6. Novembris, solenni ratificatione repetita atque promulgata Pacta Perpetua; quorum utrinque desuper decreta sanctio, in Renovatione quidem Pacis Perpetuæ, de anno 1529., sequentis tenoris est:

Item liber sit transitus & via omnibus Mercatoribus & Incolis Terrarum ac Dominiorum Ordinum, scilicet Domini Ducis Prussiæ, cum suis mercantiis & frumentis cujuscunque grani, & rebus quibuscunque & cujuscunque Conditionis vel materiei existant, sine impedimentô, & Angaria per Terras, Maria, aquas & flumina quocunque ascendendo, in & ad Regnum Poloniæ, Terras Lithuanix & Samogitiarum, ac descendendo per

Vid. Corp. A&. Publ. Prussiæ, fol. 41. fac. 2. ab initio.

Terras Nostras, ac per ipsa flumina & aquas, usque ad Ducatum Prussiae in navibus vacuis seu oneratis, magnis sive parvis in perpetuum, quocunque & quotiescunque voluerint, absque aliquo arresto vel impedimento cujuscunque, hoc tamen cautò, ne nova itinera, aut viarum diverticula quærant, & ut, si aliqua novæ viæ quæsitæ essent, utrinque abrogentur & cessent; quæ sanciantur propter coërcenda homicidia, latrocinia, furta & rapinas, & ne Telonea antiqua utrinque defraudentur. Quas quidem merces, frumenta & res, ut præscriptum est, si præfati mercatores, seu Incolæ Terræ Prussiae eas ducentes vendere, aut stare in aliquo locorum seu Civitatum solitorum & solitarum, ad portum seu ripam prædictarum aquarum, sive maris situatorum vel situatarum voluerint, est & debet esse in ipsorum arbitrio & voluntate. Si verò vendere noluerint, possint absque omni impedimento ire, seu ascendere, seu descendere, quò eis placuerit, cum rebus prædictis, ut superius est expressum; Teloneis & depositis, similiter usibus & consuetudinibus antiquis ut infra salvis.

Paçta verò Velavio-Brombergensia, sive Bùd-gostiensia, sequentem in modum eâ dere disponunt:

Vid. Instrum. Pa-
cis Velavio-
Brombergen-
sis sive Bydgo-
stiensis art. 17.

Commercia inter Regni Poloniae, Magni Ducatus Lithuaniae & Ducatus Prussiae Incolas libera erunt ac secura.

§. IX.

Vid. Corp. Actor.
Publ. Pruss. fol. 12.
2.

Quæ verò unquam libertas aut securitas, ut commerciorum, ita mercatorum & negotiationem quovis modo exercentium Regni Prussiae Incolarum, ibi ullâ ratione sperari potest, ubi non tantum ipsa telonea & vectigalia, contra aperta, toties iterata, & solennibus Juramentis confirmata Paçta Perpetua, ad solum Illustrissimorum Dominorum Thesaurariorum nutum, nihil quicquam obstante Illustrissimorum, quorundam è Serenissimâ Republica Magnatum

in

in Pactis Conventis fundatâ Contradictione, sub
 diversis titulis, in dies ferè multiplicantur ac
 augentur, sed quarumcunque in Poloniarum
 Regno Urbium Civibus, sub affectatis inter alia,
 novorum depositorum, & incompetentis
 Juris Stapulæ prætextibus, imò ipsis Teloneo-
 rum Præfectis, Arendatoribus, Visitatoribus,
 scribis, aliisque Officialibus, ac eorum Asseclis,
 in Regni Prussiæ Mercatores & Negotiatores,
 eos ultrà tempus, quoad nimirum horum depe-
 culatorum, Judæorum præsertim avaritiæ satis-
 fiat, nequissimè detinendo, & iniquissimis su-
 perexactionibus, sine omni commiseratione, a-
 cerbissimè vexando, quidvis proh dolor, sine
 omni hætenus remissione & medelâ licuit.
 Apud Romanos certè, quicquid ultra debitum
 fuisset elicitum, ab Exactoribus, in duplum erue-
 batur, & protinus restitui oportebat; Si quis
 autem Exactorum in Superexactionis Crimine
 fuisset confutatus, ejus cupiditas capitali sup-
 plicio, ut prohibebatur, ita si in iisdem sceleri-
 bus perseverasset, amovebatur.

Vid. lex und.
 Cod. de Super-
 exactionibus.

Quomodo itaque super adeò gravissimis,
 per tot jam annos, in Mercatores & alios Regni
 Prussiæ Incolas continuè ferè exercitis super-
 exactionibus, aliisque vexationibus & apertis-
 simis Pactorum Publicorum Contraventionibus,
 non Mercatoribus tantum, & ad quos ratione
 damni ea res pertinet, sed Ipsi etiam *Sacræ Re-
 giæ Majestati Prussiæ* satisfiet, cum Ejus potissi-
 mum sit, quamcunque Perpetuorum Pactorum
 violationem, ne tamen propterea pax ipsa irri-
 tetur,

tetur, sed ut ea nihilominus religiosissimè conservetur, per legitimos ex Pañtorum præscriptò tramites, & constanter repellere, & justam de-
super vindictam, apud *Sacram Regiam Majestatem*,
atque *Serenissimam Rempublicam Poloniarum*, in
tantò firmitus communis utrinque unionis robur,
summâ cum providentiâ urgere; Ipsis hâc de re
Pañtis sequentem in modum disponentibus:

Vid. Corp. Act.
Publ. Pruss. fol. 10.
fac. 2. fol. 25. fac.
1. & fol. 42. fac. 2.
in fine.

*Item si per aliquem paci perpetuæ foret in aliquo derogatum & con-
traventum, propterea prædicta pax & unio cassari & irritari
non debet, sed in suâ firmitate permanebit; delinquentes au-
tem pro ipsorum Excessibus judicialiter punientur, ac ad satisfa-
ctionem plenam & debitam compellentur.*

§. X.

Innumera equidem evidentium ejusmodi
contra Pañta infractionum Exempla, à Regio-
montanis aliisque Regni Prussiæ Mercatoribus
& Incolis allegantur; Ex iis tamen, brevitatis
studiò, aliqua duntaxat commemorare, quæ
Ipsi *Sacræ Regiæ Majestati & Serenissimæ Reipublicæ
Poloniarum* non ignota sunt, sufficere in tantum
poterit.

Ante annos videlicet ferè non triginta,
spectabili Joanni Valeriano Hörnig, Civi & Mer-
catori Regiomontano, Caunensis Civitas, gra-
naria per vim effringendo, & temerario ausu
merces ipsius in illis depositas auferendo, sum-
mam injuriam & maximum damnum intulit;
quæ res licet jam sub beatò Rege Joanne III.
gloriosæ memoriæ, per varia Decreta, juxta
tenorem Pañtorum & Juris, in favorem præfati
Hörnig,

Hörnig, quamvis cum gravissimis expensis feliciter terminata , & usque ad Executionem, imo Bannitionem, processu molestissimo pariter ac sumptuosissimo perducta fuisset, non erubuerunt tamen Caunenses decretæ à *Sacrâ Regiâ Majestate Poloniarum* Executioni, apertè se opponere, & tanto jam temporis spatio, ut Regia, in Poloniâ publicata, & toties quoties confirmata Decreta, inaudito conamine irrita reddere, sic sanctissimæ in Regno Poloniarum Juris & Justitiæ administrationi pertinaciter usque in præsentem diem reluctari, & omnia desuper emissa Judicata perfrictâ fronte eludere. Nec eo contenti, cum arrestati hâc de causâ, vi præfatorum *Sacræ Regiæ Majestatis Poloniæ* Decretorum, Regiomonti ante aliquot annos cum mercibus suis subsistentes Caunenses tum temporis Cives, inter alios spectabiles Hoffmanni fratres & Fahrenheit, Cautionem pro Civitate Caunensi interposuissent, satisfacere tamen prædictis Decretis & Executorialibus Caunenses ineffabili contumaciâ eousque hætenus & detrectarunt & supersederunt, ut vigore allegatæ cautionis Hæredes supra-nominatorum Fidejussorum Regiomonti degentes, instante spectabili Hörnig, ad saccum jam quasi & peram excutere necesse, nec tamen hucusque spectabili Hörnig plenaria solutio facta, à Caunensibus vero, de justâ in gratiam horum Fidejussorum, eorumque hæredum satisfactione, nec minimum hætenus cogitatum fuerit. Quinimo ut elusio Justitiæ tanto gravior, à parte

D

ipso-

ipforum evaderet, toto hoc tempore, merces suas sub ementitis aliorum Mercatorum Magni Ducatus Lithuaniae nominibus & titulis, aut variè emendicatâ Nobilium ibidem protectione, Regiomontum & in alia Regni Prussiae loca, partim terrâ deduxerunt, partim aquâ deflutarunt; quæ res ut diversis, commerciorum promotioni maximè incommodis & noxiis litibus, arrestis & processibus occasionem hæcenus præbuit, ita perfectæ spectabilis Hørnigs, & qui ipsi Cautionem suam pro Caunensibus interposuerunt, Fidejussorum eorumque Hæredum, ex regressu desuper competente & reservatō, debitæ Satisfactionis spem omnem, nisi ulterioribus ejusmodi, iisque iniquissimis & impudentissimis Juris elusionibus, æquisissimus *Sacræ Regiæ Majestatis & Serenissimæ Reipublicæ Poloniarum*, pro administratione Justitiæ & Decretorum executione promovendâ fervor, religiosissimo tandem Zelo obicem ponat, in infinitum quasi excludit, aliis verò ejusdem audaciæ hominibus, similia citra omnem metum in posterum audendi; latissimum campum aperit.

§. XI.

Vid. Corp. Act.
Publ. Prussiae fol.
10. fac. 2. fol. 25.
fac. 1. & fol. 42.
fac. 1. & 2. ab
initio.

Longè aliter verò, hæc de re Pacta Publica statuunt, expressè sanciendo:

Si aliquis de terris Regni, Magni Ducatus, & reliquorum Dominiorum, subditis Prussiae injuriam intulerit, & Paci perpetuæ per spolia, rapinas, aut aliqua maleficiorum genera commiserit,

vene-

*venerit , tunc ejusmodi malefactores , pro ipso-
rum excessibus , per Capitaneos & Officiales judi-
cialiter puniri atque ad satisfactionem plenum &
debitam compelli , si verò Officialis desuper requi-
situs , Justitiam non fecerit , pro negligentia ejus-
modi , cum extunc ab officio deponi , & nihilomi-
nus successorem Justitiam expeditam requirenti
administrare debere.*

*Quæ cum adeò severè , per Pacta in Capitaneos
tantum , aliosque Officiales , Justitiam ad debi-
tam requisitionem non exercentes , decreta
fuerint , in manifestos refractarios , qui Sacrae
Regiae Majestatis Poloniarum sanctissima Decreta
apertè eludere , eorumque Executioni nefarie
se opponere non erubescunt , ut Pacta , Jus & Ju-
stitia , item Regia Decreta , imò Ipsa Sacrae Regiae
Poloniarum Majestatis Authoritas , dignè tandem
in terrorem aliorum vindicentur , vix amplius
fatis graviter animadverti poterit.*

§. XII.

*Jam enim vestigia Caunenſium adeò injusta
plures jam in Magno Ducatu Lithuaniae , quasi
re benè gestâ , summâ cum licentiâ premere , non
tantum meditati , sed iniquissime etiam ausi
fuerunt.*

*Anno siquidem 1715. , cum spectabilis Joannes
Köster , Civis itidem & Mercator Regiomon-
tanus pannorum , telæ lineæ Silesiacæ , aliasque
varias merces , per Judæum Meyer Jacobowitz
Schlovam misisset , merces istæ , ab Oeconomò
ejus*

ejus loci arrestô statim oneratae, postea verò
 arci ibidem illatae fuerunt. Et quamvis Illustris-
 simus Dominus Comes Oginski, Palatinus tum
 temporis Trocensis, justè desuper requisitus,
 restitutionem mercium ex templo jussisset, elusit
 tamen Decretum hoc æquissimum, satis impe-
 riosè Monasterium Schovense, dum ex arce re-
 missas merces, propriâ authoritate, sub nullô
 aliô prætextu, quam quod Wilnenses Regio-
 montanis, & aliis Regni Prussiæ Mercatoribus,
 commercia ejusmodi permittere nolunt, ad se
 deferri fecit, nec nisi post exsolutos aliquot
 centum florenos, reddidit; super qua remora
 & vexa, præfatus Kôster & pecuniæ (sumpti-
 bus desuper erogatis, ultrò duo millia floreno-
 rum ascendentibus) & temporis evidentem
 eamque satis magnam jacturam passus est.

§. XIII.

Conqueruntur quoque spectabiles Anto-
 nius Joannes Awel & Adolphus Saturgus, uterq;
 Civis & Mercator Regiomontanus, ille quidem
 Wilnæ, coëmta ea in Civitate argentea quæ-
 dam, satis jam attrita vascula, quorum aliàs
 evectio liberè ibi permittitur, ipsi sub nomine
 mercium contrabandæ, acsi desuper in commis-
 sum incidisset, ablata fuisse: hic verò ob coëm-
 tas Wilnæ, & inde Regiomontum avectas mer-
 ces pelliceas, sex armatos equites, Wilna ipsi
 immisos, in viâ publicâ eum detinuisse, & mer-
 ces ad unum omnes, non sine gravi damnô atq;
 sumptuum erogatione, temporis item Jacturâ
 præ-

præcipitanter excussisse, modoque planè indignissimò, & ferè non violentò, cum summâ præfati Saturgi injuriâ inquisivisse, annon in vicem pellicearum ejusmodi mercium, alias Wilnam post-eà inferendas, quasi hæc libertas Regiomontanis Mercatoribus non competeret, Regiomonto advexisset.

§. XIV.

Quid quod hòc tantum annò, Nobili Valentino Polickein in Commerciorum Collegio & Senatu Civitatis Cniphoffianæ Consiliario, celeberrimè in Urbe Regiomontanâ Mercatori, cum Wilnam ad urgendam nominum, quibus ei Cives istius loci, per aliquot jam annos obstricti sunt, debitam solutionem, & ad divendendas quoque merces nonnullas, quas advehi ex ipsis mercatoribus Wilnensibus sat multi petierant, filium misisset, adeò dira injuria à Wilnensibus Mercatoribus sexta Januarii illata fuit, ut non tantum Camerae, atq; Contignationi, quam præfati Consilarii Polickein filius pro se & mercibus conduxerat, sine omni præviâ notificatione, citatione, & tantò magis sententiâ, cum aliquot Magistratus ibidem Deputatis, coadunata & stipata hominum armatorum manus immissa, sed etiam cum summâ vociferatione, adjunctis insuper minis atrocissimis, postulatum ab eò fuerit, ut fornices & cistæ recluderentur, merces item omnes, tanquam prohibitæ, & propterea caducæ Fisco extraderentur, & multa gravissima solveretur, in futurum verò plenaria ulterioris eò negotiationis, imò, quod horrendum dictu, omnimoda ipsius Civitatis prohibitio incontinenti fieret.

E

§. XV.

§. XV.

Idem ibidem Urbis Regiomontanæ spectabilium Mercatorum, Michaelis Kindleri, Adolphi Saturgi, Grünenbergii, Awelli & Pöppingii, simili planè de causâ eòmissis Institoribus & Rationariis, eodem tempore obtigit, & eundem plane in modum, cum ipsis actum fuit, intentata desuper omnibus & singulis executione non aliâ ratione impedita & elisa, quam ad instantissimam maxime Reverendorum Dominorum Patrum Dominicanorum intercessionem, per æquissimum Illustrissimi & Reverendissimi Domini Episcopi de Ancuta, Wilnensis Suffraganei interdictum, obsignatis eò fine ad ipsius mandatum à præfatis maximè Reverendis Dominis Patribus Dominicanis, cum appositò interessatorum ex Regiò Monte Mercatorum Sigillo, fornicibus quæstionis, tanquam in fundò prædictorum Dominorum Patrum sitis, & Ipsorum Conventui propriis. Nec tamen proptereà Wilnensium in Regiomontanos Mercatores vexæ cessarunt; Quin potius sequenti die Regiomontani à Wilnensibus in curiam, & undecimâ Januarii ad Excellentissimum Palatinum Wilnensem, Illustrissimum Dominum Comitem de Sapieha evocati fuerunt, Wilnensibus utroque severissime urgentibus, ut Regiomontanis Mercatoribus ex Civitate confestim discedendi necessitas injungeretur, & omnis in posterum Wilnæ negotiatio prohiberetur, eorum verò merces & bona propter exercitum incompetens commercium, Jure Caduci auferrentur. Responsum quidem à Regiomontanis Mercatoribus fuit, Wilnæ
eos

eos debitorum causa esse, nec antequam exsolvantur, discedere inde posse, sed potius indilatam desuper Justitiæ administrationem, accuratam debitorum specificationem ad Acta publica dando, vi Pactorum petere, Commercia quoque hætenus exercita, in Pactis fundari & propterea Jure optimo maximò competere;

Hoc tamen non obstante, in mulctam 2500. Tympforum, sive 1200. Florenorum Prutenicalium, quorum dimidiam partem, Judicio Castrensi Illustrissimi Domini Palatini, dimidiam Curiae Wilnensi, sententia desuper pronuntiata adjudicavit, præter spem & opinionem condemnati fuerunt. Et quamvis executionem hujus sententiæ, ad varias desuper factas intercessiones, in gratiam *Sacræ Regiæ Majestatis Prusiae*, Illustrissimum ejus loci Tribunal, in tantum hætenus distulerit, super dimidietate tamen mulctæ, præfatos Mercatorum Regiomontanorum Institores, ut libere tantum recedere possent, non sine gravi sumptu, transigere tandem oportuit.

§. XVI.

Hæcne ergò est singularis ista libertas, quam *Sacratissimi gloriosæ memoriæ Reges Poloniarum*, Mercatoribus ac Incolis Ducatus & Regni Prusiae specialibus Pactis, per tot retro secula, continuâ quasi serie adeò religiose confirmarunt & jurarunt, ut nihil clarius & sanctius dici vel concludi unquam possit?

Vid. Corp. Act.
 Publ Prussæ fol.
 11. fac. 1. ab ini-
 tiô.
 fol. 16. fac. 1.
 circa finem, &
 fol. 41. fac. 1. ab
 initiô.

Hicne est liberrimus omnibus Terrarum Prussæ Mercatoribus & Incolis, cum suis Mercantiis & rebus quibuscunque, per Regnum Poloniae, Terras Lithuaniae, Samogitarum, Masoviae & Russiae, terrâ & aquâ ascendendo vel descendendo, sine omni impedimentô molestia & Angariâ, in Pactis ad unum omnibus, non simpliciter tantum promissus, sed juramenti etiam sacramento in æternum firmatus ac eousque cum amplissimô laxamentô adscriptus & stabilitus Transitus, ut ipsis simul, extra punctum antiquorum Teloneorum & Depositorum, atque veterum stratarum, plenissima & illimitata concessa fuerit licentia, cum mercibus suis aut alio, prout libuerit discedendi, aut in aliquô locorum seu Civitatum ad portum seu ripam maris & aquarum situatarum, pro arbitriô non tantum standi, mercesque suas cujuscunque speciei vel materiæ existant vendendi, sed Cameras etiam, Testudines, tecta, aut alia loca eô fine conducendi, mercesque prædictas, pro voluntate ut illis inferendi, ita in eis ad venalitatem exponendi?

§. XVII.

Nullône alio fine sequentibus temporibus Sacrae Regiæ Majestatis & Serenissimæ Reipublicæ Poloniae, gloriosæ ac inclytæ memoriæ Prædecessores, Regiomontanæ Urbi, aliisque Prussæ Civitatibus Jura, libertates, Immunitates, prærogativas, consuetudines, & quæcunque Jura, tam ab antiquô juste & legitime a Poloniae Regibus concessa, quam in quorum usu & possessione hætenus fuissent, per omnia,

omnia, tam in genere, quam in specie quoad NB. Emporia, depolitoria, portus & commercia &c. salva atque integra perpetuò esse, nec novis impositionibus ac oneribus gravari, aut ullâ re violari imminuive debere, inter alia anno 1566. & 1609. sanctissime denuò promiserunt, quam ut tantò liberius & atrocius mercatoribus aliisque Regni Prussiæ Incolis, quarumcunque in Polonia-
rum Regno Urbium Cives ægre facere possent, & circa negotiationes quibuscunque vexationibus, oppressionibus & injuriis pro lubitu illudere, imò omni tandem per Poloniam universam, & eò pertinentia Dominia, negotio in totum eos excludere, Pacta verò Publica, sub quorum umbone Mercatores Regni Prussiæ liberi, tuti & securi in negotiationibus suis ubivis locorum per Poloniarum Regnum omni tempore esse crediderunt & certò confisi sunt, instar nasi cerei, ut vulgo dici solet, ausu summè nefariò inflectere, cumque illis, sacramento & sanctitate illorum insuper, proh DEum immortalem! habita, non aliter ferè ludere, quam ut pueri, quod proverbium fert, cum astragalis solent? Quid quod Dantisci etiam Collegium Exercitorum & Naviculariorum, die *Rahnen-Züh-
rer-Zunft* eodem plane, quo Cives Wilnenses, Caunenses & alii, temerario ausu, non veritum hætenus fuerit, à Sacræ Regiæ Majestatis Prussiæ, ex Præfecturâ Mariæ-Insulanâ, Riesenburgenfi & aliunde, negotiationis causa, Gedanum aquâ venientibus subditis atque Incolis, iniquissimam Censuationem & Daciam sub nomine pœnæ fluviatricæ, *Stroh-Strasse* ab oneratâ nave duos flo-
F renos

Vid. Corp. Act.
Publ. Pruss. fol. 11.
fac. 1. fol. 24. fac.
2. & fol. 41. fac. 2.

renos Prutenicales, & à quovis Nautâ sex grossos
capiendo, liberrimè quasi exigere, cum tamen
Pacta Perpetua de anno 1436. 1466. & 1529. ex-
presse sanciant, quod liber debeat esse transitus
omnibus Mercatoribus & Incolis Terrarum atque
Dominiorum Ordinis, cum suis Mercantiis & fru-
mentis cujuscunque grani & rebus quibuscunque
sine impedimentô vel NB. Angariâ, per terras &
NB. maria, aquas & flumina, quacunque ascen-
dendo &c. & descendendo &c. in navibus par-
vis sive magnis, vacuis sive oneratis, in perpê-
tuum, quomodocunque & quotiescunque &c.
quodque ut nulla nova telonea & deposita, sic
nulla foralia, gabellæ vel NB. quæcunque aliæ
Censuationes, mercatoribus in Regnum Poloniæ
& Principatus atque Dominia Regni venientibus
debeant de novô imponi aut imponi permitti,
tam in terris quam in aquis. Et quamvis desuper
Magistratus Gedanensis multoties jam requisitus
fuerit, Exercitores tamen & Navicularii Dantisci
Daciam exigere hætenus non desierunt, ut non
immeritô hic exclamare liceat:

Quid facient Cives, audent si talia Nautæ?

Imò quæ jam Fœdera rata, firma, integra &
perpetua manebunt, si hæc adeò providè conclu-
sa, de tempore in tempus solenniter repetita, &
toties quoties religiosissime jurata Pacta in sum-
mum *Sacræ Regiæ Majestatis* & *Regni Prussiæ*, ejus-
demque *Commerciorum* præjudicium, temerè
concutiendi, nefariè infringendi, & impunè vio-
landi, liberrima nullisque coërcitionibus reprî-
men-

da, iniquissima licentia, privatis jam quarumcunque in Regnô Poloniæ Urbium Civibus & Mercatoribus, prout cuique illorum in mentem venerit, pro lubitu concedetur?

§. XVIII.

Longè aliud verò à Wilnensibus, Caunensibus, aliisque ut Magni Ducatus Lithuanix, ita totius Poloniarum Regni, ejusque Urbium Mercatoribus & Civibus gratitudo, eamque respiciens naturalis æquitas, *cum nullum referenda gratia magis necessarium Officium sit, & beneficium quidem dare in nostrâ potestate consistat, non reddere autem, bono viro non liceat, Jure quasi postulare videbatur.*

Quantitas nimirum æris, quò præfati Regni Poloniarum ejusque Urbium Mercatores & Cives, Regiomontanis aliisque Regni Prussix Mercatoribus & Incolis, de generatione in generationem, quasi adstricti sunt, ad eam hætenus gravissimam excrevit magnitudinem, ut non tantum per myriades numerari possit, sed multi etiam Regni Prussix Mercatores, eorumque Hæredes, propter indies magis magisque in Regnô Poloniarum cessantem æris ejusmodi alieni solutionem, ad penuriam & ferè non ad egestatem se reductos esse, summum in modum conquerantur.

Hoc tamen non obstante, tantum abest, ut Regni Poloniarum & Urbium Ipsius Cives atque Mercatores (ad exemplum Servi istius Evangelici, qui cum solvere, quod debebat, non posset, pa-

patientiam submiſſe rogabat, & omnia ſe ſuô tempore ſoluturum obnixè pollicebatur) propitios ſaltem & juſtè faciles Regiomontanis, aliisque Regni Pruffiæ Mercatoribus ac Incolis hætenus ſe exhibere ſategerint, & ea ad minimum, quæ Pacta permittunt, imò exigunt, amicè præſtiterint, ut potius, quantum in ipsis eſt, in hoc unicum quaſi, quò omni per Poloniam ejusque Ducatus & Dominia commercio, imò totò Poloniarum Regnò, Mercatores & Incolæ Regni Pruffiæ, ſi vel ipſa Pacta deſuper temerare oporteat, in perpetuum excludantur, iniquiſſimè hujusque conſpiraverint, ac eò ipſò re & factò comprobaverint:

Quod beneficia eouſq; læta ſunt, dum videntur exſolvi poſſe; ubi multum exceſſerint, pro gratiâ odium reſponditur.

§. XIX.

A Sacrà autem Regiâ Majeſtate, & Sereniſſimâ Republica Poloniarum, ingratiffimum hunc, & propter manifeſtam Pactorum Publicorum violationem,, non minus nefarium Mercatorum ac Civium, ut Caunenſium ſic Wilnenſium & aliorum conatum, & auſum non approbatum, ſed ſeveriſſimis potius animadverſionibus reſpreſſum iri, & ſperat & indubitatè confidit Sacra Regia Majeſtas Pruffiæ, cui creberrimè hætenus deſuper repetitas humillimas fideliffimorum Regni ſui ſubditorum querelas & ſupplicationes æquiſſimè tandem ſtomachum moviſſe, nemini, qui propenſiſſimum Regiæ Majeſtatis Pruffiæ, erga ſubditos affectum ſatis perſpectum

Etum habet, mirum videri poterit, cum bonorum Principum, ceu Patrum Patriæ essentialē velut proprium, & altera quasi natura sit, Regnorum & Provinciarum calamitatibus tanquam suis illachrymari, & ad illatas subditis injurias, non secus ac ad proprias excandescere; quamvis de cœtero ab optimè cognita Sacræ Regiæ Majestatis & Serenissimæ Reipublicæ Poloniarum religiosissima Pactorum Manutenentia, ac ab inviolabili, cultæ semper, cum Sacrâ Regiâ Majestate Prussiæ, & Serenissimâ Electorali Brandenburgicâ Domô, antiquissimorum Poloniæ Fœderatorum jere non prima, sinceræ amicitiae observantia, super omnibus his, sæpius jam iteratis, iisque gravissimis, Mercatorum aliorumque inclyti Poloniarum Regni Civium exorbitantiis, satisfactionem ut promptissimam, ita perfectissimam, Sacra Regia Majestas Prussiæ, in desideratissimum Mercatorum aliorumque Regni sui subditorum levamen, ex votô sibi polliceatur, & propterea ut totum hoc negotium, ita reliqua quoque à præfatis Mercatoribus, super Commerciis Regni Prussiæ cum Regnô Poloniarum, humillimè exposita gravamina in Sacræ Regiæ Majestatis, & Serenissimæ Reipublicæ Poloniarum gremium amicè deponere, nullô modô vereatur.

§. XX.

Conqueruntur nimirum Mercatores & alii Regni Prussiæ Incolæ, eorumque Hæredes quartò, quod Debitoribus, quos oppido multos per totum vastissimum Poloniarum Regnum habent, merces suas, ut supra jam dictum, sub aliorum, maximè Magnatum & Nobilium Poloniæ, Magnique

Grav. IV.

gnique Ducatus Lithuanix, partim ementitis, partim emendicatis, ac haud rarò pretiò quasi conductis nominibus & titulis, Regiomontum & aliò in Regnum Prussix terrâ aut aquâ devehere, atque defluicare, eoque evidentissimè fraudulentò modò Creditorum suorum, in petenda Debitorum solutione, justam per Regnum Prussix vigilantiam, cum irreparabili ferè totius Regni Prussix, ejusque Commerciorum damnò & detrimentò, per tot jam annos eludere, non libere tantum concedatur, sed in ipsò etiam Poloniae Regno, Mercatoribus & aliis Regni Prussix Incolis, cum eò, prædictorum nominum exsolutionem petitori, non sine gravi sumptu veniunt, per varias protractiones & evocationes Processuum, intercessiones & protectiones, imò inscriptiones in litem, partim Clericorum, partim Magnatum, temerarias quoque Appellationes ad Tribunalia, imò inauditas ferè Decretorum per alia Decreta Cassationes aut repositiones, iniquissimas tandem Executionum limitationes, nedum elisiones, atque alias ejusmodi innumeras quasi vexationes & circumductiones, tantum molestiæ hinc indè suscitetur, ut tandem post deplorandam temporis & expensarum jacturam, vel litem omninò deferere, vel ad minimum, plus quam leoninam transactionem, pro mille florenis, vix quinquaginta, imò sæpissimè nec viginti aut decem accipiendo (ad instar illorum, quibus ex naufragio, quod proverbium fert, nil nisi tabulam, flebili planè ratione reportare licet) inire eos oporteat; cum tamen ubivis ferè locorum, fe-

secundum præscriptum Juris , non tantum ex
Commerciis orti processus summarisimi semper
sint, sed in Causis etiam peregrinorum , propter
competens eis Juris Hospitalitatis beneficium,
quod vulgo das *Gast-Recht* & Polonice *Goscinne*
prawo dicitur, de simplici & planô, sine omni fi-
gurâ & strepitu fori ordinarii procedere opor-
teat.

§. XXI.

Addunt Mercatores & alii Regni Prussiæ In- Grav. V.
colæ quintò, commerciis ipsorum in Regnô Polo-
niarum, multum incommodi, damni & detrimen-
ti inde accedere, quod ibi non tantum assignatio-
num, cambiorum , & indè utrinque dependen-
tium inter mercatores negotiationum nulla ratio
habeatur, sed etiam qualescunque, licet validissi-
mæ literarum obligationes, nullum robur habeant,
& pro nullis aut non scriptis reputentur, si char-
ta, cui inscriptæ sunt, non reperiatur excisa quod
Ostentia vocant.

Tolerari hoc posset, si eas tantum obligatio-
nes respiceret, quæ in Poloniâ scribuntur; Hanc
verò Regni Poloniarum consuetudinem, ad Re-
gnum Prussiæ quoque extendere, & propter de-
fectum ejusmodi formalitatis, obligationes quæ
Regiomonti, aut alibi in Regnô Prussiæ, Mercato-
ribus aliisque Contrahentibus, à Polonis dantur,
irritas pronunciare velle, apertam iniquitatem
sapit, cum obligationes & Contractus quoscun-
que,

que , juxta stylum Curiaë ejus loci , in quô scribuntur , formare , Juris & Praxeos sit.

§. XXII.

Grav. VI.

Dolent tandem Regni Prussiaë Mercatores & Incolæ summum in modum sextò , deflutationem per Memelam & Wiliam , propter innumera , quibus abundant flumina ista , saxa , & multos ingentis magnitudinis truncos arborum , adeò difficilem esse , ut pericula inde metuenda quotannis fere crescant , utque timendum sit , defituram tandem in eis navigationem , pereuntibus ibi quôvis anno fat multis navigiis , non cum mercibus tantum , quas vehunt , sed etiam cum hominibus , proh dolor , ad dirigenda ejusmodi navigia necessariis.

§. XXIII.

Et hæc quidem sunt potissima , quæ ratione Commmerciorum in Regno Poloniarum , ad *Sacram Regiam Majestatem Prussiaë* , Mercatores & alii ejus Regni Incolæ humillimè detulerunt , Gravamina ; nam reliqua , ut ex his maximam partem fluunt , ita simulac his remedium afferetur , ipsa quoque per omnia protinus cessabunt.

§. XXIV.

Remedia verò præfatorum sex Gravaminum , *Sacrae Regiæ Majestati & Serenissimæ Reipublicæ Poloniarum* , ex supplicibus Mercatorum , aliorum-
que

que Regni Prussiæ Incolarum libellis deprompta, à *Sacrâ Regiâ Majestate Prussiæ*, sequentia proponuntur.

I. Ante omnia Teloneorum per Regnum Remed. I.
Poloniarum reductio, sine ulteriori morâ institui debet, idque ea ratione, ut quæcunque per Majorem hætenus Poloniam, Lithuaniam & Prusiam Occidentalem, versus Regnum Prussiæ, aut noviter introducta vectigalia, aut eis superinducta teloneorum augmenta plenarie abrogentur; quâ super re publicatæ de-
super anno superiori succinctæ Juris delineationi, *Sacra Regia Majestas Prussiæ*, iterum iterumque insistit.

§. XXV.

Ne vero ulterius Regni Prussiæ Mercatores & Incolæ simile quid, nec ullam amplius per Regnum Poloniarum à Teloneariis eorumque Officialibus injustam superexactionem, aut vexam quamcunque, ullô unquam in posterum tempore metuere opus habeant, maxime necessarium erit,

II. non tantum super solvendis quarum- Remed. II.
cunque mercium per totum Regnum Poloniarum vectigalibus, cum accurata mensuræ, numeri, ponderis, & ipsius pecuniæ ut determinatione, ita ad valorem monetæ in Regnô Prussiæ usitatæ reductione, Taxam teloneariam, Tariffam sive *Licent Tax* vulgo dictam,
H Po-

Polonice *Tariffa* albo *Szacowanie towarow na Glos* sed peculiarem etiam *Instructionem & Ordinationem Teloneorum, Licent-Ordnung/Polonice Postanowienie praw Selnickiego y Instructia Selnikow/* ex cujus præscripto *Teloneorum Præfecti*, in mercium visitatione, vectigalium exactione, & omnibus, quæ eo pertinent, ubique & omni tempore procedere, atque omnia agere debeant, gravissima in transgressores & contravenientes, aut quascunque superexactiones petere audentes, poenâ, non pecuniariâ tantum, sed pro modo Excessus & delicti corporali etiam, aut alia expresse definita, in Latino, Polonicô, & Germanicô Idiomate typis publicare, inque *Cameris Teloneariis*, ut à quovis legi & allegari possint, expositas & appensas habere.

Jam quidem in antiquis Regni Poloniarum Constitutionibus extant *Taxæ* ejusmodi *Teloneariæ* & variè præscriptæ *Teloneorum Officialibus* super exercitio officii, hinc inde dispersæ leges; Eas autem colligere & moderno temporis accommodatas in legitimum ordinem redigere, ut necessarium, ita facillimum erit, sic tamen, ut melioris ordinis & observantiæ gratiâ, *Sacra Regiæ Majestati Prussiæ*, tempestivè in antecessum communicentur. Quantum hæc res *Commerciis* ad unum omnibus & Regni *Prussiæ*, & *Ipsius Regni Poloniarum* commodi, utilitatis & emolumenti allatura sit, dici vix potest, ex eô autem sufficientissimè concludere licet,

licet, quod per ejusmodi Tariffas & ordinationes, imò per peculiare^s Commerciorum Tractatus, negotiationi florentissimarum Provinciarum & Commerciis maximè celebrium Emporiorum, per Imperium Romano-Germanicum, Galliarum, Hispaniarum, Magnæ Britanniae & Lusitaniae Regna, Italiam etiam & Belgium, imò hoc tempore in Moscoviâ quoq; & apud Turcas ac Persas, inque ipsis Indiis, quotidie ferè prospiciatur, quemadmodum nuperrimè tantum, inter Regnum Galliae & Civitates Hanseaticas in specie, solennis Commerciorum Tractatus Lutetiae Parisiorum conclusus fuit.

§. XXVI.

III. Et quoniam Commercium Regni Poloniarum cum Regno Prussiae, nullò modò florere & subsistere poterunt, quamdiu Mercatoribus aliisq; Regni Prussiae Incolis, nomina per Poloniam & Lithuaniam eis debita, non tantum non solventur, sed debitoribus etiam, ut justissimas, desuper institutas petitiones atque actiones tanto felicius elidere possint, merces suas, sub aliorum nomine atque protectione, in Regnum Prussiae invehere & defluere, ac in Judiciis atque Tribunalibus Poloniae & Lithuaniae, per innumeras summè temerarias exceptiones & terminorum protractiones, lites occasione Commerciorum & debitorum desuper
Remed. III.

per contractorum enatas immortales reddere, ipsas verò, Regiomonti, aut alibi in Regno Prussiæ, super ejusmodi debitis, scriptas obligationes, Apochas, recognitiones aut cambiorum literas, sub prætextu deficientis inscriptionis in chartâ excisâ, quam in Polonia *Ofientia* vocant, irritas pronuntiare, iniquissimè licebit: opus imprimis erit, hæc omnia, debitis & sufficientibus remediis in eum ordinem redigere, ut obligationibus, Assignationibus, Inscriptionibus atque Cambiis quibuscunque, ritè & legitimè in Regnò Prussiæ contractis scriptis & editis perfectum idemque robur, quo in Regno Prussiæ, tanquam Instrumenta guarentigiata paratam semper Executionem habent, per totum Regnum Poloniarum maneat, & Processus super Commerciis ac occasione illorum emergentes, modo summarissimo per Poloniam, Lithuaniam, eoque pertinentes Provincias tractentur atque finiantur, Mercatores verò, & alii Regni Prussiæ Incolæ, non tantum Jure Hospitum in litibus suis, per Regnum Poloniarum ubique gaudeant, sed Jus quoque habeant, ab iis, qui ipforum debitoribus, ut merces suas, securè fallendis Creditoribus, Regiomontum & aliò in Regnum Prussiæ defluere ac invehere possint, nomen & protectionem impertiuntur, simul ac id compertum fuerit, duplum, imò si iteratò id fiat, triplum & quadruplum debiti, cujus Solutio eâ ratione elusa fuit, loco pœnæ exigendi; quæ

quæ res ut debitè determinari possint, Statutum
Commerciorum (eine Commerciën-Ordnung/ Po-
lonice *Prawo Kupiedie*;) per Regnum Polonia-
rum condere, & in ejus Emporiis, Judicium
Mercantile (ein Commerciën-Gericht) Polonice
Sad Kupiedi instituere oportebit, ut ex ejus
Statuti præscripto, ubique in Causis Mercato-
rum de simplici & planò procedatur, & prom-
ta imprimis debitorum solutio omni meliori mo-
dò brevissimè promoveatur; quemadmodum
jam suò desuper exemplò, *Sacra Regia Majestas
Prusis* prævit, Collegio ejusmodi Mercantili
(Commerciën-Collegium nuncupati) Regio-
monti solenniter introducto, & diversis Cen-
soriis, Cambiorum, Navigiorum minorum
(quorum usus est in exoneratione magnarum
navium, quæq; *Bordings* vulgò dicuntur) aliisq;
pluribus, in Commerciorum materiâ insignem
utilitatem præbentibus legibus & Statutis eò fi-
ne publicatis; quæ ut Regnum Poloniarum tan-
tò felicius imitari possit, peculiarem cum *Sacrâ
Regiâ Majestate & Regno Prusis* Commerciorum
Tractatum ad exemplum aliorum Regnorum
inire, &

IV. Memelæ atque Wilis flumina à Saxiis, *Remed. IV.*
arborum truncis, ac aliis pluribus impedi-
mentis repurgare & liberare, eoque modò naviga-
tionem in illis & defluationem tutam reddere,
non abs re erit; quemadmodum ante aliquot
annos, *Sacra Regia Majestas Prusis*, infra Civita-
tem Labiau, novam fossam per aliquot millia-
ria, immensis in id negotium erogatis pecunia-
rum

rum summis, maximò labore fieri curavit, nullò aliò fine, quam ut vere ac autumnò ex Magno Ducatu Lithuanix & Russia in Regnum Prussix venientia navigia, non amplius opus habeant, per Sinum Curonicum, das *Cursche Haab* & Polonicè *Zatok Kurlandësi* dictum, summo cum periculo, sed per dictam novam fossam, Polonicè *Nowy Stok pod miastem Labiau* dictam, cum omnimodâ securitate descendere possint.

§. XXVII.

Remed. V.

V. Tandem & ultimò supra - allēgatæ Violationes Pactorum contra spectabiles Hörnig, Awel, Saturgum, Nobilem itidem Polickein, aliosque à Caunensibus, Wilnensibus & aliis per Regnum Poloniarum ferè non quotidie, Dantisci etiam à Collegio Exercitorum & Naviculariorum, per injustam pœnæ ita dictæ fluviatricæ, *der Strom-Strasse* contra *Sacræ Regiæ Majestatis Prussix Mariæ-Insulanos* aliosque subditos & Incolas, iniquissimè introductam exactionem, hætenus commissas, severissimè vindicare oportet, ut & Interessatis, ratione damnorum, expensarum, & Injuriarum, & *Ipsi Sacræ Regiæ Majestati Prussix*, cujus maxime interest, Pacta nunquam & nullibi violari, per irrogatam ejusmodi Pactorum Violatoribus gravem ex merito pœnam, plenissimè satisfiat; Sic enim ut *animadversio desuper aliquorum*, eorum, nempè, quorum hac in re culpa fuit, ità *exemplum* & *metus omnium* erit, nec facile in posterum quis-

quisquam Pactis Publicis contravenire, eaque
ulterius infringere aut violare audebit.

§. XXVIII.


Si nihil aliud, hoc unicum certè *Sacram Regiam Majestatem & Serenissimam Rempublicam Poloniarum*, ad id impellere & permovere debet, quod evidentissimè advertunt, nihil *Sacræ Regiæ Majestati Prussiæ*, magis curæ cordique esse, quam sanctissimam Pactorum cum Regnò Poloniarum observantiam, quâ in re adeò religiosam se *Sacra Regia Majestas Prussiæ* exhibet, ut in puniendis Pactorum violationibus, nulli dignitati parcat; quemadmodum nuper tantum, cum generosus ab Auerswald, hortulanos suos ex prædiò *Ober-Traupeln* profugos, non viâ Juris repetiisset, sed ipse ex prædiò generosæ *Semplaffskiæ*, *Wardengowô* dictò, conquirere & abducere, irritò licet effectu conatus fuisset, adeò desuper *Sacra Regia Majestas Prussiæ* commota fuit, ut confestim præfatum generosum ab Auerswald, quamvis nobilem, *Regiomontum* adduci, & coram *Judicio Aulico Criminali*, actione *Fiscali* conveniri jusserit, non obstante, ipsam generosam *Semplaffskiam*, dum extraditionem prædictorum profugorum, legitime desuper requisita, contra Pacta negavit, generoso ab Auerswald, ad id quod conatus fuit, sed exequi non potuit, audendum, causam quasi & occasionem præbuisse.

§. XXIX.


§. XXIX.

Plura ejusmodi allegari possent; ad evitandam verò prolixitatem, hoc adduxisse sufficiat, ut pari modò contra Caunenſium, Wilnenſium, aliorumque toties iteratam Pactorum transgreſſionem, *Sacræ Regiæ Majestati Prusiæ*, & Mercatoribus aliisque in ejus Regno Incolis perfectè tandem ſatisſiat. Faciet eo ipſo *Sacra Regia Majestas & Serenissima Respublica Poloniarum*, rem ut ſe dignam, ita Commerciis maxime utilem, & ſtabiliendæ inter Utrumque Regnum perpetuæ, DEO promovente, amicitia ante omnia inſervientem. Quemadmodum enim *nihil arctius, commerciorum vinculo, gentes, imò homines ad unum omnes inter ſe ſociare valet: ita fide Pactorum ſuper Commerciis initorum nihil ſanctius eſſe debet, ſædus humani generis quaſi rumpente qui vel Commercia impedit, vel Pacta deſuper concluſa quovis modò rumpit*; quod ne unquam inter utrumque Poloniarum & Prusiæ Regnum accidere poſſit, ut in inſtanti Univerſalium Regni Poloniæ Comitiorum reaſſumptione, DEO Authore, *Sacra Regia Majestas, & Serenissima Respublica Poloniarum*, ſummâ curâ ſummâque diligentia providere dignentur, denuò Eis *Sacra Regia Majestas Prusiæ*, ut inſtantiffime, ita, quod Fœderatos facere decet, amiciffime iterum iterumque commendat.

Publicat. d. 16. Decembris. 1719.



-
-
-
-
-
-
o
o-
u-
e
i-
o-
n-
t:
n-
te
u-
er
c-
ni
O
ma
ue
a-
ra,
e-



Biblioteka Jagiellońska



stdr0024676

